

# 40 JAHRE HEIMATFREUNDE DAXSTEIN

Heut feiern wir „40 Jahre Heimatfreunde Daxstein“  
des is a lange Zeit für an so an kloana Verein  
im März 1970 an oam Samstag auf d’Nacht  
hat oana von de Gnockalen den Vorschlag gmacht  
wers genau war, des kann i net sogn  
do miaß ma an Herz Xaval oder mein Lothar frogn  
Auf alle Fälle war a schena Schiwe beianand  
und se haben sich am nächsten Tag „Club der Unverbesserlichen“ genannt  
Den Nam glaub i, hat da Xaverl aufbracht  
er hat auch gleich den 1. Vorstand gmacht.

Da Mauermann war der 1. Vereinswirt  
bis er dan von da Kappler Leni abgelöst wird  
d’Leni hat a Leben eibracht in des Defal Daxstoa  
a einmaliger Beweis war de Faschinghochzeit alloa

Seit d’Leni nimma is, gibt’s koan Kappenabend mehr  
ja wo nähmen wir heute die vielen Hexen her?  
do hats nämlich a Altweibermühl gebn, de Sach war verreckt  
weil in dera Mühl war allerhand Technik versteckt  
vorn is do a oide Hex einiganga  
und dann hat die Wergl des rumpeln o’gfanga  
kurz darauf is dann hint a junges Dirndl aussa kemma  
wenn i grod wüsst, wo de Mühl steht, do dat i heid no hirenna

An des Schubkarrenrennen, denkts ihr heit do noch dro?  
des war a Mordsgaudi, a paar herin wissnd des no  
wenn i grod an Gerald denk, vom Start weg is er fast gflogn  
und am Ziel hat er sein Pleschl am Bodn daherzogn  
da Ehrnböck Konrad hat dann an Schubkarren vernicht  
und seither hat neamad mehr a Rennen ogricht

Des Wasservögelsinga war früher viel scheena  
do sands ohne Auto den ganzn Daxstoa abkemma  
Scho hams früher mehr Eier brocha  
se sand oft auf alle vier krocha  
De Böschungen hams von Jahr zu Jahr vergessn  
und s'nächste Mal sands wieder im gleichen Loch gsessn

Des warn de Unverbesserlichen noch zu derer Zeit  
bei de Heimatfreunde gibt's des net, des sand scho geschicktere Leit  
i muaß des iatz unsere Junga noch kurz erklären  
1973 tuan aus dene Unverbesserlichen die Heimatfreunde werd'n

De alten Bräuche erhalten, des tun die Heimatfreunde scho  
des geht scho amoi mitm Eierbecka oo  
am weißen Sonntag, is des scho lange Tradition  
do tuat ma Eierschein an Daxstoa herom  
am 1.Mai wird dann olle Jahr da Maibaum aufg'stellt  
und in da Christbaumversteigerung, do kimmt dann in die Kasse a Geld  
Dazwischen wir im Juni des Sonnwendfeuer a'gricht  
und s'Wasservögelsinga is mittlerweile dene Junga eahna Pflicht  
Am 6.Dezember, do gfreid sich jedes Kind  
wenn von de Heimatfreunde da Nikolaus mit am kloana Packerl kimmt

Heit doan unsere Jungen Wasservögelsinga fahrn  
und in dera Nacht gehn owei a paar Prozent verlorn  
mia Oidn sand froh, dass ma so junge aktive im Verein hamm  
des is a scheena Schiwe, de halten a recht zamm

Bei dene Lausbuam is da Ehrnböck Thomas vorn dro  
vor 38 Jahren hat des sei Onkel, da Bruno scho do  
beim „Club der Unverbesserlichen“ hat da Bruno den Ton angebn  
ja mei, es wiederholt sich so manches im Leben  
zum 50jährigen, befürcht ich, do gibt's koane Lausbuam mehr  
do kemmand de Lausbuam als junge Familienväter daher

Des Lausbuamfest, muas i sogn, des is recht schee  
do doan ned grad unsere Lausbuam higeh  
des is scho a kloans Daxstoana Volksfestl worn  
oder is vielleicht wieda des Daxstoana Woidfest geborn?

Da Weimann Florian is unser Musiker heid  
do werds ned lang dauern, dann kemmand die Fernseh-Leit  
alle Sonntag tuat des Stoaberg Echo im Fernseh kemma  
ja ja, de Heimatfreunde de tuan se scho große Starts nehma  
da Florian, ohne sein Echo der is ned so teier  
den können ma schon dazoin, für so a kloane Feier

Und unser Burgamoasta, der is heit a dabei  
dass du bei uns bist, des tuat uns scho gfrei  
Lieber Poidl i muas dir aber glei noch was sogn  
bei uns doand se de meistn Burgamoasta als Mitglied eitrogn!

Amoi hamma an Burgamoasta als Wahlhelfer braucht  
do hätts uns ohne den Pfeffer Franz ganz schee gschlaucht  
mia hamma absolut koan Kandidaten als Vorstand gwisst  
aber dann hat da Franz mit Diplomatie an Reiner Gerhard überlist  
da Gerhard war selber total überrollt  
weil er an Vorstand eigentlich ned mocha woit  
aber der Gerhard hat de Wahl nicht bereit  
er sogt, wie er Vorstand war, des war a scheene Zeit  
Gerhard, a so a scheene Zeit kann wieda amoi kemma  
wenns wida amoi zwickt, dann tuast den 1. Vorstand annehma!

Wiederholungstäter werden normal besser bestraft  
bei de Heimatfreunde hamma des Gesetz ganz abschafft  
mia hamma froh, wenn a sechana kimmt  
und irgend an Posten a zwoatsmoi annimmt  
ja de Heimatfreund sand froh um solche Leit  
sonst hätt ma mia koan Vorstand heit

An Jobst Klaus stell ich auch als Wiederholungstäter hin  
aber Klaus i sogt dir ehrlich, mia hamma froh um di  
10 Jahr warst ununterbrochen Vorstand, des is net vergessn  
dann hast a paar Jahr aweng grost und bist wieder 1 Jahr Vorstand gewesn

Amoi hat da Feichtmeir Gerhard ohne Unterbrechung scho 9 Jahr erreicht  
Bei unsere Wahlen hammas ned immer leicht  
heit sogt a jeda, 1 Jahr mach ichs, dann is aber Schluss  
aber ein 2. Jahr, des is ein ungeschriebenes Muss!  
So hamma de letzten Jahre des gmoch  
i seh scho, wia in da nächsten Wahl da Feichtmeir Gerhard locht

Mit dene Kassier hamma des gleiche Gfrett  
momentan hamma 2 junge Mädels, de mochan des guat und sand ganz adrett  
de zwoa doan se de Arbeit teiln, des klappt a recht guad  
weil oane owei amoi Zeit ham tuat

Schriftführerin, des is a Kapitel für sich  
Claudia, da geht ein großes Lob an Dich  
Viele Jahre tuast du für die Heimatfreunde scho schreiben  
deine Protokolle doand in Erinnerung bleibn  
früher sand noch sämtliche Wettn aufgeschriebn wordn  
do hat ma genau gewisst, wer hats verlorn  
viele Wetta-Fassl sand do noch offa  
dass de mit de Heimatfreund drunga werdn, des tat ma scho hoffa

Bei da Claudia kann ma ganz viel nachfrog  
de kann dir weit zurück, des ausgmochte genau sogn  
Christine mocht Claudia a mitm Computer vertraut  
de letzten Jahre hats Preisschafkopfen hervorragend highaut  
bei de Jahreshauptversammlungen, der Rückblick ist interessant  
i muas Euch do scho lobn weil i des net könnt

Bei unsere Herbergsleit samma scho gut aufghobn  
d'Rosi is unsa Fahnenmutter, dafür dua is's lobn  
oba da Hubert als Vereinswirt taut a wenig zu stark sparen  
der könnt leicht in a Versammlung amoi a Laternanmaß einafahrn  
ja Regina du woast ja, des mögen de Weiber gern  
du woast ja aa, dass in de Schorlemaß Lichtl eine'ghern!  
Hoffentlich hab i des jetzt richtig formuliert  
mir is nur wichtig, dass da Hubert kapiert  
dass mir vom Jobst nix kriang, des möchte i ned sogn  
i glaub, des liegt a an uns, mia doan na a wenig zweng frog!

Und weil i grad bin bei da Bettlerei  
iatz foit ma da Burgamosta wieder ei  
heit beim 40jährigen da hast a scheene Feier  
aber beim 50jährigen, des schatz i, des kimmt die teia  
do derfst uns dann an Schirmherrn mocha  
hoffentlich tuast do auch dann herzhaft locha  
bis dahin hamma na a wengal Zeit  
do muast auch du noch a paar Wahlen übersteh mit deine Leit

Mit unserm Patenverein, do hamma a große Freid  
egal wos ma anrichten, es kemman a owei Gartenbauvereinsleit  
Schafkopfa kann koana von ehna, do kimmt da Otto mit an Geld  
des is hoit a Zammhoitn, wos gibt's schöneres auf da Welt  
beim Eierbecka is alle Jahr a scheena Tisch vertreten  
und an den Tisch gehen auch die meisten Preise, do mog i wettn  
ja liaba Peter, ein Lob auch an Dich und eine Leit  
mia hoffma, ihr besuchts uns auch die nächste Zeit

Auch a großes Lob an alle Mitglieder, die für unsern Verein wos doan  
denn ohne so Leit, wär da Verein verlorn  
des A und O ist des Zusammenhoitn im Verein  
des soi auch in Zukunft so bleibn

De gesamte Vorstandschaft wünscht a scheene Feier  
trinkts ned zu viel, dann kimmtes ned so teier!